



PEJABAT KETUA PENGARAH PELAJARAN MALAYSIA
Office of Director-General of Education Malaysia
ARAS 8, BLOK E8,
Level 8, Block E8,
KOMPLEKS KERAJAAN PARCEL E
Government Complex Parcel E,
PUSAT PENTADBIRAN KERAJAAN PERSEKUTUAN
Federal Government Administrative Centre
62604 PUTRAJAYA

Tel : 03-8884 6077
Fax : 03-8889 4548
Laman web : <http://www.moe.gov.my>

KP(BPSH-SPDK) 201/005/02/Jld.2(31)
3 Januari 2011

Semua Pengarah Jabatan Pelajaran Negeri

PANDUAN MELAKSANAKAN MODUL ELEKTIF DI SEMUA SEKOLAH KEBANGSAAN (SK)

Surat Siaran ini bertujuan untuk memaklumkan tentang pelaksanaan pengajaran dan pembelajaran Modul Elektif bagi semua sekolah kebangsaan seperti dalam arahan *Surat Pekeliling Ikhtisas Bilangan 11 Tahun 2010: Pelaksanaan Kurikulum Standard Sekolah Rendah (KSSR) Tahap Satu Mulai 2011* rujukan KP(BPSH-SPDK)201/005/01/Jld.3(5) bertarikh 14 Oktober 2010.

2. Modul Elektif terdiri daripada Bahasa Arab, Bahasa Cina SK, Bahasa Tamil SK, Bahasa Iban dan Bahasa Kadazandusun. Peruntukan masa pengajaran dan pembelajaran bagi modul elektif adalah sebanyak 90 minit (3 waktu) yang dimasukkan dalam jadual waktu persekolahan. Sekolah perlu memilih untuk melaksanakan sekurang-kurangnya satu bahasa dalam Modul Elektif mengikut kesediaan sekolah dalam aspek penyediaan guru, permintaan daripada murid serta prasarana sekolah.

3. Sehubungan itu, sekiranya sekolah tidak dapat menawarkan pengajaran dan pembelajaran Modul Elektif disebabkan ketiadaan kemudahan di atas, sekolah hendaklah menggunakan 3 waktu yang diperuntukkan mengikut garis panduan yang disediakan oleh Kementerian Pelajaran Malaysia seperti yang dilampirkan.

4 Sila maklumkan kandungan Surat Siaran ini kepada semua pegawai di Jabatan Pelajaran Negeri, Pejabat Pelajaran Daerah, Pengetua dan Guru Besar di bawah pentadbiran Y.Bhg. Dato'/Datuk/Datin/Tuan/Puan.

Sekian, terima kasih.

" BERKHIDMAT UNTUK NEGARA "


DATO' ABD. GHAFAR BIN MAHMUD
Ketua Pengarah Pelajaran Malaysia
Kementerian Pelajaran Malaysia.

Garis Panduan Pelaksanaan Modul Elektif

- i. Semua Sekolah Kebangsaan yang mempunyai keupayaan dan kemudahan hendaklah melaksanakan pengajaran dan pembelajaran sekurang-kurangnya satu bahasa dalam Modul Elektif yang diperuntukkan sebanyak 90 minit (3 waktu) dalam jadual waktu persekolahan.
- ii. Sekolah yang melaksanakan program j-QAF boleh menawarkan bahasa lain selain bahasa Arab. Murid yang mengikuti program j-QAF perlu mengambil sekurang-kurangnya satu bahasa dalam Modul Elektif sama ada Bahasa Arab, Bahasa Cina SK, Bahasa Tamil SK, Bahasa Iban atau Bahasa Kadazandusun.
- iii. Bagi sekolah yang tidak dapat melaksanakan modul elektif seperti yang ditetapkan, guru besar hendaklah membuat pilihan untuk pengisian bagi 90 minit (3 waktu) dalam jadual waktu mengikut keperluan murid. Guru besar boleh membuat pilihan untuk melaksanakan satu atau kombinasi mata pelajaran daripada senarai berikut:
 - a. Bahasa Malaysia
 - b. Bahasa Inggeris
 - c. Matematik
 - d. Dunia Sains dan Teknologi
- iv. Contoh pelaksanaan satu atau kombinasi mata pelajaran adalah seperti yang ditunjukkan dalam Jadual 1.

Jadual 1: Contoh Kombinasi Dan Masa Pelaksanaan

1	Contoh Pilihan Satu Mata Pelajaran
	Bahasa Malaysia (90 minit) atau Bahasa Inggeris (90 minit) atau Matematik (90 minit) atau Dunia Sains dan Teknologi (90 minit)
2	Contoh Kombinasi Dua atau Lebih Mata Pelajaran dan Masa
	Bahasa Malaysia (60 minit) dan Bahasa Inggeris (30 minit) ATAU Bahasa Inggeris (30 minit) dan Matematik (60 minit) ATAU Matematik (60 minit) dan Dunia Sains dan Teknologi (30 minit) ATAU Bahasa Malaysia (30 minit) dan Matematik (30 minit) dan Bahasa Inggeris (30 minit) ATAU Mana-mana kombinasi mata pelajaran dan masa yang sesuai dengan kesediaan dan keupayaan sekolah.

- v. Sekolah yang tidak dapat melaksanakan modul elektif atas sebab tiada kemudahan hendaklah melaksanakan pengajaran dan pembelajaran Modul Elektif apabila sekolah mempunyai kemudahan tersebut.
- vi. Guru besar hendaklah memaklumkan pemilihan pelaksanaan Modul Elektif oleh sekolah kepada Pegawai Pendidikan Daerah/Pengarah Jabatan Pelajaran Negeri.

- s.k.
1. YAB Tan Sri Dato' Haji Muhyiddin Bin Mohd Yassin
Timbalan Perdana Menteri merangkap Menteri Pelajaran
 2. Y.B Datuk Dr. Ir. Wee Ka Siong
Timbalan Menteri Pelajaran
 3. Y.B Datuk Dr. Mohd Puad Bin Zarkashi
Timbalan Menteri Pelajaran
 4. Ketua Setiausaha Kementerian Pelajaran
 5. Timbalan-Timbalan Ketua Setiausaha
Kementerian Pelajaran
 6. Timbalan-Timbalan Ketua Pengarah Pelajaran Malaysia
Kementerian Pelajaran Malaysia
 7. Ketua-Ketua Bahagian Kementerian Pelajaran Malaysia
 8. Ketua Nazir Jemaah Nazir dan Jaminan Kualiti
Kementerian Pelajaran Malaysia
 9. Penasihat Undang-Undang
Kementerian Pelajaran Malaysia
 10. Pegawai Perhubungan Awam
Kementerian Pelajaran Malaysia